

(սան), Լիտրերնից եւ հալսուից¹, հասնում է Վհկայ զուռը եւ խառնում թորդումին: Օգեկ առ-ը աջ կողմից ընդունում է՝ Սիլերեն առ-ը համանուն գեղից. իսկ ձախից ընդունում է՝ Խոջենց, Բագիր, Աւոււնձոր, Սրբահան. իսկ Կագան-բաշի լեռներից իջնող Զիարէթ առ-ը, որ սկիզբն է առնում Զիարէթ լճից, Ոլուխլի, սկսւում է Կոնդերից (Թիքմէ), Զատոֆ, Գոչուն աւերակնեւրից, որոնք ոռոգում են Փաշա-Փագի²,

¹ Խալիու վանքի անունն ու հռչակաւոր Մեծամոր տաճարը յիշեցնում է պատմական խալի գեղը - Լուսաւորչի կալուածք: Այս գեղի իսկական անունը նոյնպէս խալի է բայց կոչւում է խալիու վանք՝ սեռական հօլովով: Այս տաճարը ոչ միայն մեծութեամբ, գմբէթով եւ գեղեցկութեամբ անհամեմատ բարձր է Երզնկայի խախիցայլ սրա մօտ գտնուած լճակներն ու վիշապական արձանները կասկած են բարձրացնում, թէ արդեօք այս չէ իսկական խալը: Մանաւանդ Ոլուխլի ձորի մշտագալար մարգերը արդեօք Անահայի նուիրուած սպիտակ արջառների եւ ձիերի արօտները չէին:

² Գոչուն եւ Զիարէթ (Զուհուրաթ) առ-րի ակունքի մօտ են Փաշա-Փագի աւերակները. որոնք Ճորոխի ակունքի՝ Չերմես վտակի բղեսած վայրից ընդ ամենը 5-կիլոմետր հեռաւորութիւն ունին եւ սրանց իրարից բաժանում է Կազան-Բաշի գ-րը: Ինչպէս ընդարձակ է բազմազան շինութիւններով Եւրէն Շէհերի աւերակները Չերմեսի, Կարագաջի ակունքների մօտ, նոյնք նկատելի է Փաշա-Փագում, այն տարբերութեամբ, որ Փաշա-Փագում շատ երկար իրենց գոյութիւնը պահպանել են սյդ աւերակները, մինչեւ Լաւա-Փաշայի խժդժութիւնները. այն ինչ Եւրէն-Շէհերը նրանից 4—5 դար առաջ կործանուած է եղել: Երեւում է, որ Փաշա-Փագի կալուածատէրերը ժամանակին ճկունացել, յարմարուել են Սելջուք եւ Օսմանեան վարիչների հետ, տիրել են իրենց ժառանգական կալուածներին կարեւոր հարկն ու տուրքը վճարելով, քաշ